


世界書局印行

景印
藻堂

四庫全書薈要

集部
第八冊
總集類





本冊目次

書名及撰人	卷次	頁次
御定全唐詩九百卷目錄二卷 清康熙四十六年聖祖仁 皇帝御定	卷二百三十五至卷三百一十 三	四三四— 一

欽定四庫全書薈要

集部

御定全唐詩卷二百三十五

御定全唐詩卷二百三十五

欽定四庫全書薈要卷一萬七千六百四十

集部

賈至

賈至字幼隣洛陽人父曾開元初掌制誥至擢明經第
為單父尉拜起居舍人知制誥父子繼美帝常稱之肅
宗擢為中書舍人坐小法貶岳州司馬寶應初召復故
官除尚書左丞大歷初封信都縣伯遷京兆尹右散騎
常侍卒諡曰文集十卷今編詩一卷

欽定四庫全書

御定全唐詩

卷二百三十五

自蜀奉冊命往朔方途中呈韋左相文部房尚

書門下崔侍郎

胡羯亂中夏鑾輿忽南巡衣冠陷戎寇狼狽隨風塵幽
公秉大節臨難不顧身激昂白刃前濺血下沾巾尚書
抱忠義歷險披荆榛危從出劍門登翼岷江濱時望挹
侍郎公才標縉紳亭亭崑山玉皎皎無緇磷顧惟乏經
濟扞牧陪從臣永願雪會稽仗一作劍清咸泰太皇時內
禪神器付嗣君新命集舊邦至德被遠人捧冊自南服

詳校官候補通騎經歷臣郭祚職

奉詔趨北軍觀謁心載馳違離難重陳策馬出蜀山畏
途上緣雲飲啄叢菁間棲息虎豹羣崎嶇凌危棧惴慄
一作味驚心神峭壁上嵌岑大江下沄沄皇風扇八極異類
懷深仁元克誘黠虜肘腋生妖氛明主信英武威聲赫
一作殊四隣誓師自朔方旗幟何繽紛鐵騎照白日旄頭拂
秋旻將來一作俟盪滄溟寧止蹴崑崙古來有屯難否泰長
相因夏康績禹績代祖復漢勲于役各勤王驅馳拱紫
宸豈惟太公望往昔逢周文誰謂三傑才功業獨殊倫
感此慰行邁無為歌苦辛

欽定四庫全書

御定全唐詩

卷二百三十五

二

贈裴九侍御昌江草堂彈琴

朔風吹疎林積雪在崖巘鳴琴草堂響小澗清且淺沈
吟東山意欲去芳歲晚悵望黃綺心白雲若在眼

巴陵早秋寄荊州崔司馬吏部閤功曹舍人

謫居瀟湘渚再見洞庭秋極目連江漢西南浸斗牛滔
滔盪雲夢澹澹搖巴丘曠如臨渤澥窅疑造瀛洲君山
麗中波蒼翠長夜浮帝子去永久楚詞尚悲秋我同長

沙行時事加百憂登高望舊國胡馬滿東周宛葉遍蓬
蒿樊鄧無良疇獨攀青楓樹淚灑滄江流故人西掖寮
同扈岐陽蒐差池盡三黜踳躑各南州相去雖地接一作近
不得從之遊耿耿雲陽臺迢迢王粲樓跂予暮霞裏誰
謂無輕舟

閒居秋懷寄陽翟陸贊府封丘高少府

今日霖雨霽颯然高館涼秋風吹二毛烈士加慨慷憶
昔皇運初衆賓俱龍驤解巾佐幕府脫劍升明堂郁郁

欽定四庫全書

御定全唐詩

卷二百三十五

三

被慶雲昭昭翼太陽鯨魚縱大壑鸞鸞鳴高岡信矣草
創時泰階速賢良一言頓遭逢片善蒙恩光我生屬聖
明感激竊自彊崎嶇郡邑權連騫翰墨場天朝富英髦
多士如圭璋盛才溢下位蹇足徒猖狂閉門對羣書几
案在我旁枕席想遠遊聊欲浮滄浪八月白露降玄蟬
號枯桑艤舟臨清川迢遞愁思長我有同懷友各在天
一方離披不相見浩蕩隔兩鄉平生霞外期宿昔共行
藏豈無蓬萊樹歲晏空蒼蒼

送友人使河源

送君魯郊外下車上高丘蕭條千里暮日落黃雲秋舉
酒有餘恨論邊無遠謀河源望不見旌旆去悠悠

送李侍御

我年四十餘已歎前路短羈離洞庭上安得不引滿李
侯忘情者與我同疎懶孤帆泣瀟湘望遠心欲斷

送耿副使歸長沙

畫舸欲南歸江亭且留宴日暮湖上雲蕭蕭若流霞昨

欽定四庫全書

御定全唐詩

卷二百三十五

四

夜相知者明發不可見惆悵西北風高帆為誰扇

送夏侯子之江夏

扣楫洞庭上清風千里來留歡一盃酒欲別復裴回相
見楚山下漁舟憶釣臺羨君還舊里歸念獨悠哉

寓言二首

春草紛碧色佳人曠無期悠哉千里心欲采商山芝歎
息良會晚如何桃李時懷君晴川上佇立夏雲滋
凜凜秋閨夕綺羅早知寒玉砧調鳴杵始擣機中紉憶

昨別離日桐花覆井欄今來思君時白露盈堦溥聞有
關河信欲寄雙玉盤玉以委貞心盤以薦嘉餐嗟君在
萬里使妾衣帶寬

燕歌行

國之重鎮惟幽都東威九夷北制胡五軍精卒三十萬
百戰百勝擒單于前臨滹沱後一作阻易水崇山沃野亘千
里昔時燕山重賢士黃金築臺從隗始倏忽興王定一作定

薊丘漢家又以封王一作五

侯蕭條魏晉為橫流鮮卑竊據

欽定四庫全書

御定全唐詩

卷二百三十五

五

朝五州我唐區夏餘十紀軍容武備赫萬祀彤弓黃鉞
授元帥墾耕大漠為內地季秋膠折邊草腓治兵羽獵
因出師千營萬隊連旌旗望之如火忽電馳匈奴懾竄
窮髮北大荒萬里無塵飛君不見一本無君不見三字隋家昔為天下
宰窮兵黷武征遼海南風不競多死聲鼓卧旗折黃雲
橫六軍將士皆死盡戰馬空鞍歸故營時移一作遷道革天
下平白環入貢滄海清自有農夫已高枕無勞校尉重
橫行

巴陵寄李二戶部張十四禮部

時貶岳州司馬

江南春

一作芳

草初纂纂愁殺江南獨愁客
秦中楊柳也應新轉憶
秦中相憶人萬里
鶯花不相見
登高一望淚沾巾

長門怨

獨坐思千里
春庭曉景長
鶯喧翡翠幙
柳覆一作暗鬱金堂
舞蝶繁愁緒
繁花對靚妝
深情託瑤瑟
絃斷不成章

銅雀臺

日暮銅臺靜
西陵烏雀歸
撫絃心斷絕
聽管淚霏微
靈几臨朝奠
空牀卷夜衣
蒼蒼川上月
應照妾魂飛

侍宴曲

雲陛褰珠一作衣宸一作裳天一作丹堦
覆綠楊
隔簾妝隱一作掩
暎向席
舞低昂
鳴珮長廊靜
開冰廣殿涼
歡餘劍履散
同輦入昭陽

對酒曲二首

梅發柳依依
黃鸝一作鶯歷亂飛
當歌憐景色
對酒惜芳菲

曲水浮花氣
流風散舞衣
通宵留暮雨
上客莫言歸

春來酒味濃
舉酒對春叢
一酌千憂散
三盃萬事空
放歌乘美景
醉舞向東風
寄語尊前客
生涯任轉蓬

送陸協律赴端州

越井人南去
湘川水北流
江邊數盃酒
海內一作外一孤舟

嶺嶠同仙客
京華即舊遊
春心將別恨
萬里共悠悠

送王員外赴長沙

攜手登臨處
巴陵天一隅
春生雲夢澤
水溢洞庭湖
共

歎虞翻枉同悲
阮籍途長沙
舊卑濕
今古不應殊

送夏侯參軍赴廣州

聞道衡陽外
由來鴈不飛
送君從此去
書信定應稀
雲

海南濱
遠煙波北渚微
勉哉孫楚吏
綵服正光輝

長沙別李六侍御

月明湘水白
霜落洞庭乾
放逐長沙外
相逢路正難
雲歸帝鄉遠
鴈報朔方寒
此別盈襟淚
雍門不假彈

岳陽樓宴王員外貶長沙

一題作南州有贈

極浦三春草高樓萬里心楚山晴靄碧湘水暮流深忽與朝中舊同為澤畔吟停盃試北望還欲淚沾巾

詠馮昭儀當熊

白羽插雕弓蜺旌動朔風平明出金屋扈輦上林中逐獸長廊靜呼鷹御苑空王孫莫諫獵賤妾解一作當熊

早朝大明宮呈兩省僚友

銀燭熏一作朝天紫陌長禁城春色曉蒼蒼千條弱柳垂

青瑣百轉黃鶯繞一作滿建章劍珮聲隨玉墀步衣冠身

欽定四庫全書

御定全唐詩

卷二百三十五

惹一作染御爐香共沐恩波鳳池上一作裏朝朝染翰侍君王

白馬

白馬紫連錢一作乾嘶鳴丹闌前聞珂自蹀躞不要下金鞭

贈薛瑤英元載末年納薛瑤英為姬以體輕不勝重衣於外國求龍綃衣之惟至及

楊炎與載善得見其歌舞各贈詩

舞怯銖衣重笑疑桃臉開方知漢成帝虛築避風臺

出塞曲

萬里平沙一聚塵南飛羽檄北來人傳道五原烽火急

單于昨夜寇一作扣新秦

春思二首

草色青青柳色黃桃花歷亂李花香東風不為吹愁去春日偏能惹恨長

紅粉當壚弱柳垂金花臘酒解酴醾笙歌日暮能留客醉殺長安輕薄兒

勤政樓觀樂

銀河帝女下三清紫禁笙歌出九城為報延州來聽樂

欽定四庫全書

御定全唐詩

卷二百三十五

須知天下欲昇平

贈陝掾梁宏

梁子工文四十年詩顛名過草書顛白頭仍作功曹掾祿薄難供沽酒錢

谷巖大夫

今夕秦天一鴈來梧桐墜葉搗衣催思君獨步華亭月舊館秋陰生綠苔

送李侍郎

一作赴常州

雪晴雲散北風寒楚水吳山道路難今日送君須盡醉
明朝相憶路漫漫

初至巴陵與李十二白裴九同泛洞庭湖三首

江上相逢皆舊遊湘山永望不堪愁明月秋風洞庭水
孤鴻落葉一扁舟

楓岸紛紛落葉多洞庭秋水晚來波乘興輕舟無近遠
白雲明月弔湘娥

江畔楓葉初帶霜渚邊菊花亦已黃輕舟落日興不盡

欽定四庫全書

御定全唐詩

卷二百三十五

十

三湘五湖意何長

西亭春望

日長風煖柳青青北鴈歸飛入窅冥岳陽城上聞吹笛
能使春心滿洞庭

君山

湘中老人讀黃老手援紫藟坐碧草春至不知湖水深
日暮忘却巴陵道

洞庭送李十二赴零陵

今日相逢落葉前洞庭秋水遠連天共說金華舊遊處
回看北斗欲潛然

江南送李卿

雙鶴南飛度楚山楚南相見憶秦關願值迴風吹羽翼
早隨陽鴈及春還

送王道士還京

一片仙雲入帝鄉數聲秋雁至衡陽借問清都舊花
月豈知遷客泣瀟湘

欽定四庫全書

御定全唐詩

卷二百三十五

十一

巴陵夜別王八員外

一作蕭靜詩題
云三湘有懷

柳絮飛時別洛陽梅花發後到一作三湘世情已逐浮

雲散離恨空隨江水長

別裴九弟

西江萬里向東流今夜江邊駐客舟月色更添春色好
蘆風似勝竹風幽

送南給事貶崖州

疇昔丹墀與鳳池即今相見兩相悲朱崖雲夢三千里

欲別俱為慟哭時

重別南給事

謫宦三年尚未回故人今日又重來聞道崖州一千一
萬里今朝須盡數千盃

岳陽樓重宴別王八員外貶長沙

江路東連千里潮青雲北望紫微遥莫道巴陵湖水濶
長沙南畔更蕭條

欽定四庫全書

御定全唐詩
卷二百三十五

十二

御定全唐詩卷二百三十五

欽定四庫全書薈要卷一萬七千六百四十一

集部

御定全唐詩卷二百三十六

錢起

錢起字仲文吳興人天寶十載登進士第官秘書省校
書郎終尚書考功郎中大歷中與韓翃李端輩號十才
子詩格新奇理致清贍集十三卷今編詩四卷

紫參歌

并序

紫參幽芳也五葩連萼狀飛禽羽舉俗名之五鳥

欽定四庫全書

御定全唐詩
卷二百三十六

一

花起故山道人蘭若尤豐此藥校書劉公詠歌之

俾予繼組

遠公林下滿青苔春藥偏宜間石開往往幽人尋水見
時時仙蝶隔雲來陰陽雕刻花如鳥對鳳連鷄一何小
春風宛轉虎溪傍紫翼紅翹翻霽光貝葉經前無住色
蓮花會裏暫留香蓬山才子憐幽性白雪陽春動新詠
應知仙卉老雲霞莫賞大桃滿蹊逕

瑪瑙盃歌

瑤溪碧岸生奇寶，剖質披心出文藻。良工雕飾明且鮮，
得成珍器入芳筵。含華炳麗金尊側，翠筆瓊觴忽無色。
繁弦急管催獻酬，倏若飛空生羽翼。琪蘭英照豹斑，
滿堂詞客盡朱顏。花光來去傳香袖，霞影高低傍玉山。
王孫彩筆題新詠，碎錦連珠復輝映。世情貴耳不貴奇，
謾說海底珊瑚枝。寧及琢磨當妙用，燕歌楚舞長相隨。

鋤藥詠

蔣藥穿林復在巘，濃香秀色深能淺。雲氣垂來裛露偏，

欽定四庫全書

御定全唐詩

卷二百三十六

二

松陰占一作處知春晚，拂曙殘鶯百轉。催紫泉帶石，幾花
開不隨飛鳥。緣枝去如笑，幽人出谷來。對之不覺忘疎
嬾，廢卷荷鋤嫌日短。豈無萱草樹堦墀，惜爾幽芳世所
遺。但使芝蘭出蕭艾，不辭手足皆胼胝。寧學陶潛空嗜
酒，顏齡捨此事東菑。

病鶴篇

獨鶴聲哀羽摧折，沙頭一點畱殘雪。三山侶一作伴能遠
翔五里，裴回忍為別。驚羣各畏野人機，誰肯相將霞水

飛不及川鳥，長比翼隨波。雙泛復雙歸，碧海滄江深。且
廣目盡天倪，安得往雲山。隔路不隔心，宛頸和鳴長在
想。何時白霧捲青天，接影追飛太液前。

片玉篇

至寶未為代所奇，韞靈示璞荆山陲。獨使虹光天子識，
不將清韻世人知。世人所貴惟燕石，美玉對之成瓦礫。
空山埋照凡幾年，古色蒼痕宛自然。重溪纂纂暗雲樹，
一片熒熒光石泉。美人之鑒明且徹，玉指提攜歎奇絕。

欽定四庫全書

御定全唐詩

卷二百三十六

三

試勞香袖拂莓苔，不覺清心皎冰雪。連城美價幸逢時，
命代良工豈見遺。試作瑤璋禮天地，何如璫璫在堦墀。

畫鶴篇省中作

點素凝姿任畫工，霜毛玉羽照簾櫳。借問飛鳴華表上，
何如粉績彩屏中。文昌宮近芙蓉闕，蘭室綢繡香且結。
鑪氣朝成綏嶺雲，銀燈夜作華亭月。日暖花明梁燕歸，
應驚片雪在仙闌。主人顧盼千金重，誰肯裴回五里飛。

秋霖曲

君不見聖主旰食憂元元秋風苦雨暗九門鳳凰池裏
沸泉騰蒼龍闕下生雲根陰精離畢太淹度倦鳥將歸
不知樹愁陰慘淡時殷雷生靈墊溺若寒灰公卿紅粒
爨丹桂黔首白骨封青苔貂裘玉食張公子魚炙熏天
戟門裏且如歌笑日揮金應笑禹湯能罪已鶴鳴蛙躍
正及一作其時豹隱蘭凋亦可悲焉得太阿決屏翳還令率
土見朝曦

白石枕并序

欽定四庫全書

御定全唐詩

卷二百三十六

四

起與監察御史畢公耀交之厚矣頃於藍水得片
石皎然霜明如其德也許為枕贈之及琢磨將成
炎暑已謝俗曰猶班女之扇可退也君子曰不然
此真畢公之佳賞也故珍而賦之

琢珉勝水碧所貴素且貞曾無白圭玷不作浮磬鳴捧
來太陽前一片新冰清沈沈風憲地待爾秋已至璞堅
難為功誰怨晚成器比德無磷緇論交亦如此

賦得青城山歌送楊杜二郎中赴蜀軍

蜀山西南千萬重仙經最說青城峯青城嶽岑倚空碧
遠壓峨嵋吞劍壁錦屏雲起易成霞玉洞花明不知夕
星臺二妙逐王師阮禹軍書王粲詩日落後聲連玉笛
晴來山翠傍旌旗綠蘿春月營門近知君對酒遙相思
送李大夫赴廣州

一賢間氣生麟趾鳳凰羽何意人之望未為王者輔出
鎮忽推才盛哉文且武南越寄維城雄雄擁一作推甲兵

鼓門通幕府天井入軍營厥俗多豪侈古來難致禮惟

欽定四庫全書

御定全唐詩

卷二百三十六

五

君飲冰心可酌貪泉水忠臣感聖君徇義不邀勲龍鏡
逃山魅霜風破瘴雲征途凡幾轉魏闕一作終在眼向郡
海潮迎指鄉闕樹遠按節化甌閩下車佳政新應一作當令
尉陀俗還作上皇人支離交俊哲弱冠至華髮昔許霄
漢期今嗟鵬鷃別圖南不可御惆悵守薄暮一作劣

送崔校書從軍

雁門太守能愛賢麟閣書生亦投筆寧惟玉劍報知己
更有龍韜佐師律別馬連嘶出御溝家人幾夜望刀頭

燕南春草傷心色
薊北黃雲滿眼愁
聞道輕生能擊虜
何嗟少壯不封侯

送張將軍征西

一作西征

長安少年唯好武
金殿承恩爭破虜
沙場烽火隔天山
鐵騎征西一作西征幾歲還
戰處黑雲霾瀚海
愁中明月度陽關
玉笛聲悲離酌晚
金方路極行人遠
計日霜戈盡敵歸
回首戎城空落暉
始笑子卿心計失
徒看海上節旄稀

送修武元少府

欽定四庫全書

御定全唐詩

卷二百三十六

六

寸祿榮色養此行
寧歎惜自今

一作矜

黃綬采蘭時不厭

丹墀芳草色百戰
荒城復井田幾家
春樹帶人煙黎甿
久厭蓬飄苦遲爾
西南惠月傳

送崔十三東遊

千里有同心十年
一會面當盃緩筍
柱倏忽催離宴丹
鳳城頭噪晚鴉行
人馬首夕陽斜灞
上春風留別袂關
東新月宿誰家官
柳依依兩鄉色誰
能此別不相憶

送鄔三落第還鄉

郢客文章絕世稀
常嗟時命與心違
十年失路誰知己
千里思親獨遠歸
雲帆春水將何適
日愛東南暮山碧
關中新月對離尊
江上殘花待歸客
名宦無媒自古遲
窮途此別不堪悲
荷衣垂釣且安命
金馬招賢會有時

送馬明府赴江陵

陶令南行心自永
江天極目澄秋景
萬室遙方一作方知不鳴雙鳬下
處人皆靜清風高
興得湖山門柳蕭
條雙

欽定四庫全書

御定全唐詩

卷二百三十六

七

翟一作翟閒黃花滿把
應相憶落日登樓
北望還

送畢侍御謫居

崇蘭香死玉簪折
志士吞聲甘徇節
忠蓋不為明主知
悲來莫向時人說
滄浪之水見心清
楚客辭天淚滿纓
百鳥喧喧噪一鶚
上林高枝亦難託
寧嗟人世棄虞翻
且喜江山得康樂
自憐黃綬老嬰身
妻子朝來勸隱淪
桃花洞裏舉家去
此別相思復幾春

送褚大落第東歸

離琴彈苦調美人慘向隅
項來荷策干明主還復扁舟
歸五湖漢家側席明啟久
豈意遺賢在林藪玉堂金馬
隔青雲墨客儒生皆白首
昨夢芳洲采白蘋歸期且喜
故園春稚子只思陶令至
文君不厭馬卿貧
剡中風月久相憶池上舊遊應
再得酒熟寧孤芳杜春詩成不枉
青山色念此那能不羨歸長楊
一作上陽諫獵事皆違他日
東流一乘興知君為我掃荆扉

送傅管記赴蜀軍

欽定四庫全書

御定全唐詩

卷二百三十六

八

終童之死誰繼出燕領儒生今俊逸
主將早知鸚鵡賦飛書許載蛟龍筆
峨眉玉壘指霞標鳥沒天低幕府遙
巴山雨色藏征旆漢水猿聲咽短簫
賜璧腰金應可料才畧縱橫年且妙
無人不重樂毅賢何敵能當魯連嘯
日暮黃雲千里昏壯心輕別不銷魂
勸君用却龍泉劍莫負平生國士恩

送張少府

愁雲破斜照別酌勸行子
蓬驚馬首風雁拂天邊水寸

晷如三歲離心在萬里

行路難

君不見明星映空月太陽朝升光盡歇
君不見凋零委路蓬長風飄舉入雲中
由來人事何嘗定且莫驕奢笑賤窮

盧龍塞行送韋掌記

雨雪紛紛黑山外行人共指盧龍塞
萬里飛沙咽鼓鼙三軍殺氣凝旌旆
陳琳書記本翩翩料敵張兵奪酒泉

欽定四庫全書

御定全唐詩

卷二百三十六

九

聖主好文兼好武封侯莫比漢皇年

效古秋夜長

秋漢飛玉霜北風掃荷香含情紡織孤燈盡拭淚相思
寒漏長簷前碧雲靜如水月弔棲烏啼烏起誰家少婦
事鴛機錦幕雲屏深掩扉白玉窗中聞落葉應憐寒女
獨無衣

卧病李員外題扉而去

僻陋病者居蒿萊行逕失誰知
簪紱貴能問幽憂疾珂

聲未駐門蘭氣先入室沈疴不冠帶安得候蓬華清揚
一作青陽去莫尋離念頃來侵雀棲高窗靜日出修桐陰枕
上憶君子悄悄唯苦心

酬王維春夜竹亭贈別

山月隨客來主人興不淺今宵竹林下誰覺花源遠惆

悵曙一作曉鶯啼孤雲還絕巘

山中寄時校書

蓬萊紫氣一作之子溫如玉惟予知爾陽春曲別來幾日芳

欽定四庫全書

御定全唐詩

卷二百三十六

蓀綠百花酒滿一作滿眼不見君青山一望心一作腸斷續

送李四擢第歸覲省

當年貴得意文字各爭名齊唱陽春曲唯君金玉聲懸

黎寶中出高價世難掩鴻羽不低飛龍津徒自險直矜

鸚鵡賦不貴芳桂枝少後蔡邕許長鳴唐舉知梁城下

熊軾朱戟何晞耀才子欲歸寧棠花已含笑高門知慶

大子孝覺親榮獨攬還珠美寧唯問絹情離筵不盡醉

摻一作操袂一何早馬蹄西別輕樹色東看好行塵忽不

見惆悵青門道

過曹鈞隱居一作者

荃蕙有奇性馨香道為人不居衆芳下寧老空林春之

子秉高節攻文還守真素書寸陰盡流水怨情一作聲新

濟濟振纓客煙霄各致身誰當舉玄晏不使作良臣

哭曹鈞

苦節推白首憐君負此生忠蓋名空在一作立家貧道不

行朝來相憶訪蓬華只謂淵明猶卧疾忽見江南弔鶴

欽定四庫全書

御定全唐詩

卷二百三十六

來始知天上文星失嘗恨知音千古稀那堪夫子九泉

歸一聲隣笛殘陽裏酹酒空堂淚滿衣

東陽郡齋中詣南山招韋十一一作東陽郡齋書事

霽來海半一作畔山隱映城上一作中起中峰落照時殘雪

翠微裏同心久為別孤興那對此良會何遲遲清揚一作

陽瞻則邇

清一作青泥驛迎獻王侍御

候館掃清晝使車出明光森森入郭樹一道引飛霜仰

視驄花白多慚綬色黃鵠鷦無羽翼願假憲鳥翔

沐陽古渡作

日落問津處雲霞殘碧空牧牛避田燒退鷁隨潮風迴
首故鄉遠臨流此路窮翩翩青冥去羨彼高飛鴻

卧疾荅劉道士

白露蠶一作已絲一作急空林日淒清寥寥書扉掩獨卧
秋窗明寶字比仙藥羽人寄柴荆長吟想風馭恍若升

蓬瀛

欽定四庫全書

御定全唐詩
卷二百三十六

十三

夢尋西山準上人

別處秋泉聲至今猶在耳何嘗夢魂去不見雪山子新
月隔林時千峯一作燈翠微裏言忘心更寂跡滅雲自起
覺來纓上塵如洗功德水

長安旅宿

九秋旅夜長萬感何時歇蕙花漸寒暮心事猶楚越直
躬遭世道咫尺步隔天闕每聞長樂鐘載泣靈臺月明旦
北門外歸途堪白髮

過桐柏山

秋風過楚山山靜秋聲晚賞心無定極僊步亦清遠返
照雲竇空寒流石苔淺羽人昔已去靈跡欣方踐投策
謝歸途世緣從此遣

李士曹廳對雨

春雨暗重城訟庭深更寂終朝人吏少滿院烟雲集一作積
濕鳥壓花枝新苔宜砌石掾曹富文史清興對詞客
愛爾蕙蘭叢芳香飽時澤

欽定四庫全書

御定全唐詩
卷二百三十六

十三

登勝果寺南樓雨中望嚴協律

微雨侵晚陽連山半藏碧林端陟香榭雲外遲來客孤
村凝片煙去水生遠白但佳川原趣不覺城池夕更喜
眼中人清光漸咫尺

冬夜題旅館

退飛憶林藪樂業羨黎庶四海盡窮途一枝無宿處嚴
冬北風急中夜哀鴻去孤燭思何深寒窗坐難曙勞歌
待明發惆悵盈百慮